

2025

RUANGMEI

(Modern Indian Language)

Full Marks : 100

Pass Marks : 33

Time : Three hours

Thaylou khang:

- (a) Latthanv che hei kalangv padeih A, B, C khatnic D twna khaklangclou e.
- (b) Latthanv kaguayna tuang full marks nzat biak margin khou lyanlou e.
- (c) Latthanv kaguayna daw nina e.

SECTION – A

(PAHMEI KHATNIC SOURCE-BASE)

1. Latdangv hei pac lana latthanv guayv hei latkaeng 25-30 dou khou daw o :

2×5=10

Maansei panty khou ningngam mak liangmei akhat tho kamei kandihmei khang taanclou ngammei lwn thay makna katuang malan theic bin kanmei tei e. Mi hei panty tho nai tiki ringclou duh makmei twmei kiu e. Kata ramh lam akhat na khou sihnic tichadaalou makmei e. Gaymei nganv bamv lwn thay makna panty tat kanmei kiu kamei e. Kamei zawsiimei panty swna lungclou khwan the. Zawsiime di the

P.T.O.

twna zawpaw khang zaythaulou makmei mei e. Alauc tat chadaa nii bammei ta titat chadaalou pwkhou suai makna bowkey pwni de. Bowkey the twmei hei zawsiime di the tw tuang hamh e. Kata zaythaulou datna titat chadaalou dat khang nai e, hamhethei kamei panty nganv tat thay mak nzut bam nuh e.

Bowkeyna dingthau dat makmei tho zawsiime kiu di the. Zawpawmei twmei tho bowkey liang 99 pwkhou dingthau liang 100mei ta de. Lauluangc pak chadaamei nunc rui bowkeypui sik dingthau datna pak bam reyme phaykaamv khang suangc pak ranv dat re. Bow bam sihnic katuang nganvbamv kalung khou nsui tiplouna pak suak ge. Kum tina kaswan laatow e. Panty lauluangc khou tho pak tanhmei na rui zawpawmei sw mak ge. Tangclou nipui bamv thayna pak suakmei rui nthuk ranv de. Takuanh pak tanc e twna takuanh kang hei kaniw panty lwnlung khou gay kasuanthau mak ge. Kalamthu kaniw pak tanc bam sihnic kaniw tuang nganvbamv lwn thay mak ge.

- (a) Hyme rui tabui kumhmei panty ta 'panty tho nai tiki ringclou duh makmei' panty e saa tw cho?
- (b) Gaymei nganvbamv lwn thay makna kapanty luai kanmei mei kiu twkumhpui mei cho?
- (c) Tabui zaeng hyme rui 'bowkey the twmei hei zawsiime di the tw tuang hamh e' saa tw cho?
- (d) Panty lauluangc pakmei khou zawpauhmei twmei hei tabui ta cho?
- (e) Tabui zaeng pak tanhmei takuanh kang hei gay kasuanthau mak bam tw cho?

2. Latdangv khou rui tiilou bammei latdaw padeih pang khou rui nchumh liangmei
latdaw kapahna hy pat ro : 1×2=2

(a) 'Malan' twmei kabac tho

(i) Chamcsii ningtyng

(ii) gaanvkhat khou naimei gay liangmei ramthai

(iii) thyam thaymei

(iv) kaswan

(b) Panty lauluange pak nipui thiak hei

(i) pak ranv khang e.

(ii) meic geicna pak khang e.

(iii) Tangclou nipui bamv thay khang e.

(iv) Tangclou nipui bamv thayna pak suak khang e.

3. Latdangv hei pac lana latthanv hei latkaeng 30-35 dou khou daw o. 3×1=3

Lat saa thaymei hei daihmei suaihiam akhat re, tihkie syang bangbi nic sw nuh e. Kalam thu lat hei, kabamv kaganv thayna saa ethei, nzianmei chwn nking bammei guay khang tinailou e. Swriak thayna saa mak gethei latlu tipatlou e. Taleina lat saa suailou khourui hamhethei kabah kanei kathumh pat nuhmei lat saalou khourui pamryan geicna nai nuh nipui bamv khou sihnic howmumei ti-ngguanhlou e. Kacham kacham lat hei saa nina e, nai nic nai e. Ramhthaymei akhat rui thay rau maihmei akhat khou saamei lat ta nkinglouna ramhthaymeipu gaengh swpui lat kume ninglou nuh e. Namv khou lau taanc bammeipu akhat lat lev kaidai khou lunghmeipu lat kathiak baicna saa the. Baic bam sihnic gaanvkhat ta lung hamh tuang saa mak

gethei champav gaymei sw nuh de. Guhsw gahswmei mikphaengv naina saa ethei lat saa thaymei syang bangbi e twmei kiu di the. Heizaeng rui lat saa thay bam sihnic kakhanh chuyna saa mak gethei suaihiam daihmei kiu hamh e. Mpangmei na rui karampang ndauhna lat pangsa saa tuang de.

- (a) Lat saa thaymei tuang siimeihy o.

SECTION – B

(HYMEI KHATNIC LATRIAK)

4. Kabangc khou tiiloumei latbamv khou rui AKHAT kapahna tiiloumei Outlines sinswna Essay latkaeng 180-200 dou khou hy o. 7

- (a) Lungcsiimeipui

[Outlines: Kahouhmei – Lungcsiimeih lam – akumhna lungcsiimeih khou rui duak nina – luailoumeih]

hamhethai

- (b) Tunac gaymei ta khanlou khang nai e.

[Outlines: Kahouhmei – Latchap tuang kabac – Piupui twan – luailoumeih]

5. (a) Luangbac Police Station lungc khou bammei Puiluanh namv khou Haipou Zahduanang Malanghmei tuang tausuum daihmei lingcthaumei mung akhat khou nang tat kazauhlou khwan e. Mi lam hei 'Gaanphiu Mail' tuang chamvche khou ndauhpat khang latkaeng 100-150 lungc khou hy pat ro. 5

hamhethai

- (b) 'Duipuakkai Magazine' akhat khou 'Ntaw ganv tuang Nchamnac khatnic Mobile Phone' twmei lam khou ndauh pat khang article akhat latkaeng 100-150 lungc khou hy pat ro.

6. (a) Aziurame namv khou lunghmei Rihngampou Riamhmei rui kapammei Achunna Gwanmei khang khwmngay dwangay kadyemei taldyn akhat hy e. Mi taldyn kiu akumh pwni cho ningna hy pat ro. 5

hamhethai

- (b) Nang chailuc Kalwngaypeic Kaamhmei ta Ginkihbw bwzaeng 15, 2025 nungc Sianggai Namvdaih khou lunghmei Howngamlung Paanvmei kai nthanmei newsuan suanc tat pwni the. Mi mung khou tei nang pammei nunc guang tangclou diu khang kabaime che (invitation) akhat hy o.
7. (a) Gaydymzaengc, Khoupum kaithyan khou Latrik zuanhmei dukaan akhat laanpat khang Peihzwanlu Phaomei rui advertisement akhat chamvche khou patlou niina ning bam e. Mi advertisement kiu tukumh hy nina cho ningna hy pat ro. 4

hamhethai

- (b) Kabangc khou tiilou bammei lat kachuc kanpui lwan hei pac mincna pac o.

Zaengc : Hello, Zianpuiluc dai?

Giangc : Kiuc hamh e, Ai Giangthuihliu, kapammei de. Kamei duilow tat kan di he. Nang tho thow dai?

Zaengc : Ai music class tat nchamcmei kapammei pu de.

Giangc : Tabui lat saalou niina?

Zaengc : Aev...kamei guang dat pw ethei ase he music class laa khang hamh the twna dinhpouc rui saa guangna dinc kadailou me twna e. Neihneic nungc kiu rui zaic maihna class laa dat di kho saa e twna kadylou kham pu o.

Giangc : Aev...aev... saalou pung e.

Karuc khou kachuc kanpui latbamv khou rui Giangthuihliu rui message akhat Zianpuiluc khang hy e. Mi message kiu hypat ro.

8. Tiiloumei latbamv khou rui AKHAT kapah lana latkaeng 100-120 dou khou hykingc pat ro (Amplification) : 4

(a) Baley karou maek ge.

hamhethei

(b) Aguc duidai kaniem gay e.

(LATRIAK/GRAMMAR)

9. Tiiloumei latkaeng kanei hei khwanlangv hy nchumh pat ro. 1×2=2

(a) Guaih nou dui

(b) Ti neihlaa loumei pu

10. Tiiloumei latkaeng khou rui ruaknac khamvkhakhmei (glottalised) khwangwan khou kalaic patna kabah patmei latrian akhat-khat hy pat ro. 1×2=2

(a) Guay

(b) Bw

11. Latthanv hei pac lana tiilou bammei latdaw padeih pange khou rui nchumh liangmei latdaw kapahna hy pat ro : 1×6=6

(a) 'Kamei nap tu pwni e.'

Mi latrian hei simple past tense khou tukumh saa ni cho?

(i) Kamei nap tu bam pwni e.

(ii) Kamei nap tu the.

(iii) Kamei nap tu khwan e.

(iv) Kamei nap tu kan the.

(b) "Nkhuaimei lat ai saa dat lak khe."

Mi latrian hei tabui latrian cho?

(i) Chalahna Ndauhpatmei Latrian (Declarative Sentence)

(ii) Hamhmei Ndauhmei Latrian (Negative Sentence)

(iii) Thanvmei Latrian (Interrogative Sentence)

(iv) Thouhmei Latrian (Imperative Sentence)

- (c) 'Guangreylu kahyang dui hian e.'
Mi latrian hei tabui tuang Kidaamei gat (Degree of comparison) cho?
(i) Adverbial Degree (ii) Positive degree
(iii) Comparative degree (iv) Superlative degree
- (d) 'Zaenggaylu nuic rimhrim e.'
Mi-latrian khou 'rimhrim' hei
(i) latpaa e. (ii) lathiap e.
(iii) latmii e. (iv) latchuam e.
- (e) 'Gayliang gaanvkhat ta nkhav nggavna lungc e.'
Mi latrian khou 'latpaa' kapah pat ro.
(i) Gayliang gaanvkhat (ii) gaanvkhat ta
(iii) nkhav nggavna (iv) lungc e.
- (f) 'Tankhi' twmei latkaeng hei tabui saa tuang cho?
(i) Kachaibung now kainac ta kawlaamei ta e.
(ii) Kapuningc nac ta kawlaamei ta e.
(iii) Puningc rui luh nac ta laamei ta e.
(iv) Puningc rui luh nac ta kamauc khang laamei ta e.

SECTION – C (LULAT / LITERATURE)

(LATCHYAM/PROSE)

12. Latthanv hei pac lana AKHAT kapahna latkaeng 60-70 dou khou daw o: $5 \times 1 = 5$
- (a) "'Now' twmei tho kandih khou aching-ching nic nai bam nuh de tiki 'Apui' twmei tho akhat na de."
Mi latbamv hei tabui zaeng Ngasevlung rui kanow Zianthayna khou saa bam tu cho?
- (b) Gayriamang lev Guilianneic kaney tuang nthukmei ramzian ta tabui rui sw ntamv kan tu cho hy o.

13. Tiiloumei latthanv khou rui KANEI kapahna latkaeng 40-50 dou khou daw o :

3×2=6

- (a) Mansei panty tabui ganv khou tabui zaeng Substance Abuse hei ariu katup bam cho?
- (b) Ningthy khou puangclou kanmei Khanghlayneic lam khou duina hy o.
- (c) Tauhraenghluangcmei Chwncham Ngai khang chakhaengv kaap lana tukumh phunge guang kan cho?

14. Tiiloumei latthanv khou rui PANGUH kapahna latkaeng 25-30 dou khou daw o:

2×5=10

- (a) Sexually Transmitted Disease (Pheylung ravpuat) naengvpui lwan kanei hy o.
- (b) Daicthau bammei chabwan (Adolescence) ganv khou kaniw chwn khatnic pumhlwan tukumh cho?
- (c) "Syan ntaanvpui chaeng tho kaithyan kumei chaenglwan kumcna chiw tw de..." Mi latbamv hei hyme rui tabui saa nii bam tu cho?
- (d) Tabui zaeng "Taanc Nimei Taanv Taanc Chuyna Taanc o..." twmei thaydwan hyme rui 'lat gaymei suange taanvthai gaymei na rui tat saengc e' saa bam tu cho?
- (e) Niamhthayna nukuanc khou mwn bammei napguy lam khou duina hy o.
- (f) Gaychanghpou chwn theilayna ntumei tuang kachaatec dat lakmei lanvdaih kiu tabui cho?

15. Tiiloumei latthanv hei latrian akhat khou daw o:

1×2=2

- (a) Hymeipui kai khou machunhna rylou kanmei khumhthai tei tukumhna amaan kan tu cho?
- (b) "Nang ta puanclou nungc nuiclou mak neihlaana"
Thow ta puanclou nungc neihlaana nuiclou mak ge twna Zianchuylu rui saa bam tu cho?

16. Latthanv hei pac lana tiilou bammei latdaw padeih pang khou rui nchumh liangmei latdaw kapahna hy pat ro.

1×2=2

- (a) 'Khanghlayneic ta tiakti-raitina makuat thau khwan e.'
Mi latrian khou 'tiakti-rait' tw bammei kabac hei
 - (i) Mphutna meickai mic dat mak khang saa e tw tuang e.

- (ii) Mphutna tiakna taanv nritmei titaancna rai e tw tuang e.
- (iii) Mphutna tiakna taanv nritmei titaancna alay ganc e tw tuang e.
- (iv) Mphutna tiakna meickai taanv nritmei titaanc tat re tw tuang e.
- (b) Guilianneic ta ntamvloupui tangv Gayriamang tabui bamv khou Guilianneic ta ariu dat kan cho?
 - (i) Chaengkaibut
 - (ii) Lungchi
 - (iii) Sairiam
 - (iv) Pintau Luangrian

(LUCHYAM / POETRY)

17. Latthanv hei pac lana AKHAT kapahna latkaeng 60-70 dou khou daw o : $5 \times 1 = 5$
- (a) Kandih Gaanphiu rui manseina khang tiiloumei gaymei tei hy pat ro.
 - (b) Tabui zaeng 'Ntiangbw' twmei luchyam khou 'Mansei panty hei baanhnamv baanthi de' twna hymeis rui saa bam tu cho?
18. Tiiloumei latthanv khou rui KANEI kapahna latkaeng 40-50 dou khou daw o : $3 \times 2 = 6$
- (a) "Nowpuc lungc daa kumc lungcna..."
Luchyamhymeis rui Aguc Alangh ta tabui zaeng nowpuc lungc daa kumc e saa bam tu cho?
 - (b) Nruna nac rui karaana sihnic mbaanv khou ringe nii mak bammei lam tabui cho?
 - (c) Nruna nac rui mi mbaanv khou tabui zaeng nchumhmei latzan mphang mak bam tu cho?
19. Tiiloumei latthanv khou rui PANGUH kapahna latkaeng 25-30 dou khou daw o : $2 \times 5 = 10$
- (a) Pui gaymeis rui tukumhna mansei ta karu ntuklou cho?
 - (b) "Tiilou the mi riak hei Damhmeis rui"
Kandih Gaanphiu khou Damhmeis rui tiilou bammei riak kiu tabui riak ta cho?
 - (c) Tabui zaeng rui luchyamhymeis rui ntiangbw hei guangh kai khou lungc bam kumc e saa tu cho?

- (d) ‘Ringhpaan zamh kalwn akhat de saamei...’
Mansei ringcpaan tuang kalwnlung swmei kiu hymeï Poujairung Thaimèi
rui tabui ta e saa cho?
- (e) ‘Chaengpaengc Thingbang’ twmei luchyam khou thingbang rui maanseï khang
nsa tiimeï kiu tabuibui cho?
- (f) Hymeï Ragongning Gangmeï rui tabui zaeng Ravguangc baansiam likh sinic
mansei lev khouringh hei mpeyna baic e saa bam tu cho?
20. Tiiloumeï latthanv hei latrian akhat khou daw o : 1×2=2
- (a) ‘Maanseï zaat zamh lwnlyan e _____ hei’
Luchyamhymeï rui maanseï zaat zamh lwnlyan (identity) e saa bammeï
hei tabui ta cho?
- (b) Luchyamhymeï RK Thiusongliu C.P rui ‘kapouc kaneic chwnlung thay’ twna
saa bammeï hei thow ta cho?
21. Latthanv hei pac lana tiilou bammeï latdaw padeih pang khou rui nchumh liangmeï
latdaw kapahna hy pat ro. 1×2=2
- (a) ‘Ki puanclou the kapaek theihmeï panty sw khang’
Nruna Nac rui kapanty tho ‘kapaek theihmeï panty’ de saa bammeï lam thu
- (i) Kapui kapu maek tina e.
(ii) Mansei mav khou zakna lungc tina e.
(iii) Baanhou maekna syniangpung ruc khou kai kumc tina e.
(iv) Karaana panty duidai ta athwng ngam lak tina e.
- (b) ‘Aniu zaat, apui zaat tuang lukhuk swna.’
‘Zaat tuang lukhuk’ e twna luchyamhymeï rui saa bammeï hei
- (i) Aguc thuak ta e. (ii) Alangh thuak ta e.
(iii) Aguc Alangh ta e. (iv) Nkhuai ngam de.